

徐國樑被刺記



進益書局出版


警 察 廳 長

護軍使署大審判官

(每部定價洋四角)

徐 國 樑 被 刺 記

上海進益書局印行



徐所長自民國二年蒞任，視事已來，對於地方警務認真辦理，賞罰公允，恩威並濟，不以餘力。地方賴以粗安。此次猝遭狙擊，傷重，逝者出於意外，僉人多為惋惜。是書悉從報章記錄，計二萬餘言。據事直書，不敢妄行增減。至於兇手消息，業已訊明，不難永落石出。所正典刑，至於輿論，是則不敢附會，閱者鑒之。

續記徐國樑被刺記

兇手暗殺之情形

警廳之報告

陸榮廷之蒸電

通信社瑣記

徐氏之喪禮

徐氏之家產

各方面之吊唁

徐國樑遺電

總商雷集議

陸榮廷之通函

申振剛不能接任

韓省長致徐雲州電

又致上海總商會電

徐氏喪禮瑣聞

楊志均之傷狀

徐廳長之傷情

科長代理職務

陸榮廷之真電

徐氏臨終之情形

徐國樑履歷

徐氏之家庭

警察職員之談話

何護軍使文電

各公團請願

徐氏家屬痛恨兇手

各團體會議

陸榮廷之宣言

上海縣商會致南京電

徐宅送殮之來賓

繼任問題

官場之慰問與布置

續記徐國樑遇刺情形

西報之記載

牛醫士談話

徐氏生前之軼聞

徐氏之保險

警察廳長繼任問題

何使令陸榮廷文一二

陸榮廷呈報何使文

南京派申振剛接任

何使復上海總商會電

又致齊韓電

徐氏大殮情形

關於兇手之消息

南京士紳之調停

開北商界集議

各團體之會議

關於徐案兇手之近聞

蘇督長咨提兇手續電

申振剛之略歷

韓省長堅持初意

蘇公團之通令又通電

徐國樑死後評論

開北公團呈軍民兩長電

省委員之談話

蘇督長咨提兇手電文

何使復電

南京贈徐氏喪費三千元

護軍使覆省議會電

致陸署廳長函

各方面之形勢

國聞通信社消息

何護軍使復電

徐氏喪禮瑣聞

警察問題之昨訊

警務處之通令


徐國樑出殯路由

廳長遇刺

徐國樑被刺記





活拿
兇手




押解軍署

徐國樑被判記

圖



大審
刺客



警廳長徐國樑被刺記

兇手暗殺之情形

淞滬警察廳長徐國樑。昨日下午三時。携帶護警楊志均乘坐一千一百六十五號汽車。至開北吊莫錢貴三之喪。後於四時至愛多亞路雲南路口溫泉浴室沐浴。六時許出門。護警正開啟車門。徐一足甫上車時。突有刺客。於雲南路口開放手鎗。一彈擊中徐之左面腰背。徐當即倒仆車中。汽車右面玻璃窗亦被擊一洞。楊志均見此情狀。即奮勇上前。將兇手抱住。被兇手力掙得脫。楊復上前追趕。兇手開放一鎗。擊中楊之頭額。子彈由顱骨外層穿至左面太陽穴前而出。亦痛倒於地。放鎗時。附近巡捕聞警。即鳴笛召集華印捕。由二百九十四號華捕及各捕兜拿。兇手隨走隨放數鎗。至北海路申江大戲院附近跌倒。始被捉住。各捕追拿時。亦還放數鎗。均未中。兇手被捕後。默無一語。詢之亦不言。將於星期一解送會審公廨。聞兇手姓李。年約三十歲。據老關捕房消息。兇手係安徽籍。民黨中之人物也。

徐廳長之傷

又云。兇手當由雲南路向北飛跑。至申江影戲院折向西逃。將至遠東飯店門前時。被印捕華捕各放一鎗。擊傷兇手頭部。跌倒於地。當經巡捕拘獲。連同受傷人。一併帶入老關捕房。由捕頭訊得係徐廳長。即派捕車。送徐楊二人往仁濟醫院醫治。其時徐楊二人已不能多言。當由牛惠霖醫生。命將徐昇入割症室。用手術割腹。至九時半始畢。據醫云。子彈擦破小腸旁之血管。致流血甚多。子彈留於何處。未能尋獲。一時又不便用愛克司查察。只得將

血管鉗住縫好傷口。先救其生命。再說鼻入病房（利記七號）後復注射代鹽液及樟腦油。尚未能言語。其狀頗危。又聞徐沐浴後尚擬赴某紳之宴。是晚所穿係湖色縐棉袍。被子彈穿過之洞甚小。華絲葛棉褲腰上血漬亦不多。惟至割症室剖腹後。其血管擦破。所流之血溢出。多可盈盆云。楊志均昨晚亦經施用注射藥劑。據醫云。幸腦尚未傷。倘不發重。或可無恙云。

官場之慰問與布置

事出後。英法兩捕房巡警皆率探往醫院問候。何護軍使沈寶昌。關炯之及警廳全體職員亦紛紛往醫院慰問。其眷屬莫不憂形於色。仁濟醫院擁擠異常。旋經捕房派捕後前往照料。華界聞事出後即由總務科發令各區署。無形戒嚴。警廳偵緝隊長官均在醫院防護。

警廳之報告

昨晚警廳發出電報云。江蘇督軍齊。江蘇省長韓。淞滬護軍使何。鈞鑒。本日下午七時二十分。廳長徐國樞因公行經英界雲南路轉角。突遇匪徒開鎗。狙擊右腰中鎗。彈未透出。護警追捕。並遭鎗傷頭部。均在仁濟醫院割療。先犯由英捕拘獲一人。正在嚴訊。地方安謐。餘容續電。總務科長叩灰印。

科長代理警廳職務

何護軍使據報徐被刺後。以警廳職務關係地方治安。即訓令淞滬警察廳總務科長陸榮。後云。據報本日下午六時半。淞滬警察廳廳長徐國樞在公共租界愛多亞路地方。突被兇

徒狙擊身中鎗傷當經探捕將兇徒追獲一名該廳長即時移入仁濟醫院療治聞訊之下曷勝驚愕該兇徒膽敢於通衢大道行刺地方官長實屬目無法紀罪不容誅亟應澈究嚴辦除令公共公解關查員迅將獲犯解署以憑嚴訊並派員前往醫院慰問該廳長令其靜心調養以期速痊而資倚畀外該廳職務重要未便稍有停頓在該廳長調治期內即着該科長代拆代行以重職守仰即遵照妥慎辦理切切此令。

徐國樑遇刺案二誌

徐氏傷勢頗重 鎗彈尚未檢出 兇手供稱為韓恢報仇 軍署要求引渡 護警車夫探捕賞洋一千元

松滬警察廳長徐國樑前晚在英租界雲南路愛多亞路轉角溫泉浴室門口被兇手開鎗狙擊彈中腰部護警楊志均亦因追捕兇手被匪鎗傷頭額茲將昨日各方面報告詳情分錄於下

報告一 (甲) (徐廳長昨日傷狀) 昨晨一時半牛惠霖醫生又往診察其時徐廳長蒙藥

已醒頻呼口渴經牛醫生命看護士給以開水并注射樟腦油以後每二小時注射一次旋又呼腹之上部作痛復由醫生吩咐每四小時注射嗎啡八分之一厘昨日上午六時脈象係間歇脈且雜亂無力一分鐘呼吸三十次體溫度係九十九度零八上午注射代盟鹽液二磅下午注射三磅下午六時體溫度增高有一百度零六脈搏每分鐘八十八呼吸每分鐘二十八次昨日晝間用導尿管放小便二次晚十時一次小便盡作赤色含血甚多昨除

飲開水外一切飲食皆由醫生嚴行禁絕。徐廳長昨已略可言語。惟醫生戒其不可多談。故其家屬皆不能進見。陪伴料理僅總務科長騎巡隊長及親信差弁數人。昨日徐氏傷口之敷料尚未換去。昨晚十一時記者又至醫院探詢。據徐仲吉醫士云。徐傷狀尚無如何變動。又聞至昨晚十二時十分徐氏體溫度一百零八。脈搏每分鐘一百零八。跳呼吸每分鐘三十一。次精神甚疲云。(乙)一護警楊志均之傷狀。一楊之子彈尚嵌在顱骨。今日上午將由牛惠霖池石青徐仲吉醫士及培哪(英人)藥劑師用愛克司光照察。尋獲子彈後預備用手術破骨取出。昨日楊志均神志尚清。略飲牛乳。體溫度亦不增高。脈搏呼吸亦平平。惟小便自主。須用導水管通之。始出。昨日計通尿二次。服侍彼者除醫院中人外。另由廳撥護警二人輪流照料云。(丙)一醫生診治之殷勤。一昨日仁濟醫院院長宣達文副院長扁理士亦入病室看視。廣慈醫院院長法來松博士及德醫何理中。華醫夏應堂亦由徐氏親友邀往診視。牛惠霖池石青徐仲吉醫士則不時進病房診察。該院看護總理懷恩女士護士長吳幼荈君學員孫厥謀均殷勤照料。頗為周到。(丁)一牛惠霖醫生之談話。昨晚十時記者至徐廳長病室訪問。適牛醫生何理中醫士池徐二醫生同在診脈既畢。入醫生休息室。記者因向牛惠霖醫生叩詢徐氏傷狀。牛醫生云。現已逾二十四小時。流血已可無虞。脈象較晨間微有力。倘明日後日不見變動。則似可稍有希望。至子彈留於腹中。尚不關緊要。將來身體稍強。不妨再用愛克司光查察。設法取出。即不取出亦屬無妨。惟現在其體受創過劇。在此數日內能無恙與否尚無把握耳。(戊)一昨日各界往訪之擁擠。一昨日自晨

至晚仁濟醫院門前踴足而觀者恒有百數十人。汽車停於門前亦有數十輛。捕房特派印捕一持鎗在該處照料。官場往慰問者有何護軍使之弟鋒鈺一前兗州鎮守使一率同軍使大公子及王道尹許交涉員上海寶山南匯奉賢等縣知事齊督軍韓省長之駐滬代表軍署汪參謀長副官長憲兵營長審檢兩廳長水警長英法兩公廨正副會審官日本駐滬正副領事法英美捕房總巡副巡偵探督察長黃金榮工巡捐局長姚慕蓮紳商楊小川王一亭陸伯鴻岑春煊袁克文及報界等約有四百三十餘人絡繹不絕。警廳特派號房傳達處前往專司迎接。名伶余叔岩則前昨兩日均往問候。且憂形於色。一切賓客咸不能入病室。均在該院招待處致意即去。(已)一齊韓派委員來滬一江蘇齊督軍韓省長所派來滬查辦暗殺案之二委員於昨晚夜車抵滬。晚十二時由總務科長陸榮發伴赴醫院慰問。因徐氏由醫生禁止見客。祇在招待室與各科長叙談。(庚)一兇手願求速死一昨日下午司法科長劉春圃至捕房錄取口供。兇手堅不吐寔。經劉科長反覆開導。兇手僅答稱願求速死。他無所言。

報告二 行刺淞滬警廳廳長徐國樑之兇手李某已由公共租界華印各捕追獲。解經捕房暫押。該兇手李大生並非李姓。即係上次雙十節南車站地方開會假扮曹錕之鄭姓。業經捕房訊問。據供此次行刺係代去年由滬拿獲解甯鎗決之韓恢報仇。蓄意已久。惟詰其同黨幾人。是何姓名。及手鎗之來歷。堅不吐寔。僅云尚有僕役馬某一名。寓居英界武林旅館。當飭中西各探往拿。詎於七點一刻時已先潛逃。致未緝獲。該兇手現由淞滬護軍使定

於今日(十二)派員持文至解要求引渡內地以便歸入軍法訊辦澈究主謀。

淞滬何護軍使以追捕謀刺淞滬警察廳長徐國棟兇匪之巡警楊志均當時不顧生命奮勇直前猛力扭抱二次致遭鎗傷要害寔屬義勇可嘉應於傷愈後以巡官記名遇缺升補以示鼓勵而開汽車之嚴瑞卿即小崇明於出事後不畏危險竭力追捕沿途狂呼捕盜始由華印各捕堵截得將該兇徒緝獲所有幫仝截堵兇匪之華印捕四名亦甚出力均應酌予獎賞故於昨日籌洋一千元內以三百元賞給巡警楊志均以二百元給予汽車夫嚴瑞卿其餘五百元應送捕房轉給獲匪出力之華印各捕藉資獎勵業已備文發交代理廳長陸榮錢分別轉給矣。

淞滬警察廳司法科長劉春圃代理廳長陸榮錢偵緝隊長郝憲章隊員趙幹生均於出事後齊至仁濟醫院通宵商議通令查緝此案主謀正兇辦法結果定於今日(十二)上午七點時偕同前赴公共公解面謁關獄員要求陪審領事務將該兇徒李大生即鄭大生立予解送龍華以備軍署軍法科詳細研鞫根究同黨庶免漏網而徐廳長及楊巡警之傷勢於昨日下午五時許由該醫院安慰可保無性命之虞云。

報告三 前晚徐警廳長為匪狙擊後廳中人員如趙某等均有飛電致南京齊督報告茲聞徐之家屬昨晨亦有詳細報告並謂神氣極佳並報告兇手情形茲聞天津及南京各當局均有萬急電到滬分致許交涉員王道尹沈知事及警廳人員惟電文甚密內容無從探悉想與政治不無關係。

報告四 徐廳長傷處自經牛醫生以手術割腹後即移住樓上特別病房。聞腸壁已被鎗彈對穿兩洞。彈已下侵膀胱。幸臟腑均未受傷。是以神志尚清。護警楊志均頭部所受鎗傷。經西醫察得第一層腦骨雖破。而第二層未損。故頭內腦髓未曾傷及。惟傷勢較重。如三日內無劇烈之變端。性命方可保全。兇犯拘入南京路老關捕房後。捕頭即於今晨在寫字間詰問兇犯口供。據供名李大生。於本月四號由粵帶全差弁馬玉標乘輪來滬。寓福州路武林旅館二號房間。此舉純為同學韓恢報仇。現馬玉標已不知去向。云云。詰此舉曾否受人主使。同黨究有幾人。該犯堅不吐實。老關捕房捕頭開立根自據兇犯供明。寓居武林旅館等情。即於前晚夜半。督全中西探捕及警廳督察長等。馳往四馬路該旅館搜捕。餘黨詎該黨徒等早已逃避。僅在該兇犯所住之二號房間內。抄獲腳籃一隻。並無危險物品。當經捕頭向該旅館執事茶房等詳詢該匪等何日來棧。共有幾人。旅館中人云。祇一主一僕。又問是日何時出外。當晚有無他人回寓等語。後即將腳籃帶回捕房再核。昨日十一。係警廳各署長署員。科長隊長等。常會之期。因廳長過刺。即由陸總務科長與南北所屬一二三四五六等區署長保安游巡偵緝各隊長暨各分署署員等。作非正式之集議。議定兇犯雖已就獲。而餘黨在逃。各區署境內防務亟應加緊警備。無形戒嚴。各區署長官務須督飭長警。特別注意地方治安云。迨散會後。各署長均至仁濟醫院探問廳長病狀。始各返署。

報告五 徐廳長乘坐之汽車。係由汽車夫小崇明司機。昨日下午五時許。因徐氏第五如夫人挈兩女兒乘汽車往仁濟醫院探視。仍由小崇明開車。抵院後。該汽車夫在院內。向人

說遇險情形極詳。據謂兇手開鎗擊中徐氏後，即朝北飛奔而逃。伊與楊志均並行追趕。該兇手即反身開鎗，射擊楊頭部中彈，受傷倒地。兇手仍朝前而奔，追至雲南路口，見有印捕站崗，即請其開鎗。該捕遂取鎗開放。兇手聞聲亦開鎗拒捕，且開且逃。伊追至遠東飯店門首，又見二百九十四號華捕，亦請其開鎗。該兇手欲避鎗，將頭略俯，立脚不住，跌仆於地。遂被擒獲。云又聞老關捕房中人，昨日下午，至醫院詢問徐廳長，有何感想。當時徐氏答以鄙人平日對於各方面俱無惡感。此次突遭兇徒狙擊，不知其故。云云。至行刺之兇手，當時被巡捕追急之際，開鎗拒捕，故其頭額亦略受微傷。嗣因手鎗內子彈已盡，遂將手鎗拋棄。逃至遠東飯店門首，即被擒獲。並覓得其所拋之手鎗，帶入老關捕房。經捕頭開立根氏向其詰問，初則默無一語，後乃稱伊名李大生，安徽人，現年四十二歲。此外堅不吐供。該兇手身體強壯，面部黝黑，上唇已留八字鬚。經捕頭將其嚴行收押，定於今晨解送會審公堂。訊究徐廳長傷勢，迄昨午尚無若何變化。其所乘之齊色轎式汽車，仍在仁濟醫院門首。車上玻璃已被擊穿，如豈大之洞。昨日自晨至暮，前往慰問者尤較前日為多。該醫院門外，汽車馬車，遂為之塞。

報告六 徐廳長經牛惠霖等以手術診視後，據該院中人云，人尚安靜，即當差楊志均亦無大碍。現徐廳長之家屬與親信人等均在院伺候。又聞警廳東西轅門於前晚驚聞徐廳長被刺後，即通知各警區飭警加意防範，並於廳門前禁止行人往來。是晚又通知各區區長徐氏人尚安靜云。

報告七 此事發生後。華界方面各警區。對於防務。非常嚴厲。南市第一區警署。王金署長。特在華法接壤之區。如裡外馬路等處。各要隘。除原有臨時崗位。並巡邏外。自昨日起。又在落差之休息班內。每班抽調四人。為一差。加入巡邏警內。於午後為始。加意嚴防。一區一分所。蕭署員。亦在該管境內。加班防護。

報告八 昨上海縣知事沈寶昌。接奉韓省長急電。令飭前往醫院。慰問徐警廳長。並將被刺情形。隨時電報備查。聞沈知事。已於昨日下午。將奉令慰問情形。親至醫院。致意矣。

報告九 昨日代理廳長陸榮廷。通令關北四五各署長署員。着傳諭所屬巡官長警。對於職務。一律注意加嚴。下差後。祇須在棚內休息。概不准請假外出。務須保全地方秩序。治安。以防宵小。乘機蠢動云。

陸榮廷之蒸電

淞滬警察廳長徐國樑。自被鎗擊。總務科陸科長。即電報護軍使云。龍華護軍使何鈞鑒。本日下午六時廿分。廳長徐國樑。因公外出。經英界雲南路轉角。突遭匪徒開鎗。狙擊左後腰身中一鎗。彈未透出。護警追捕。並遭鎗傷頭部。均在仁濟醫院割療。據西醫云。廳長受傷尚無危險。兇犯當由英捕拘獲一人。正在嚴訊。地方安謐。餘俟續電。淞滬警察廳總務科長陸榮廷叩蒸。

陸榮廷之真電

淞滬警察廳總務科長陸榮廷。自奉何護軍使委任代理廳長職務後。即於前晚夜半。將徐

廳長遇刺情形。分電北京國務院內務部南京軍民兩長松滬護軍使等。鑒核昨倭代廳長又發出真電云。南京齊督軍韓省長龍華何護軍使鈞鑒。徐廳長被匪狙擊受傷。自經移入仁濟醫院。由牛惠霖醫生剖腹檢視。幸內部未傷。惟因擊損血管。出血過多。致子彈未能即時檢出。現人已醒能語。倘無變動。尚不致碍。先犯名李大生。現拘英捕房。供安徽人四十二歲。四號由粵到滬。寓四馬路武林旅館二號。為報復同學韓恢之仇。故出此舉。有差人馬玉標一名。刻已不知去向等語。當經派員檢查旅館之內。並無他物。除飭嚴緝馬玉標並餘黨。務獲究辦外。謹再電陳。松滬警察廳總務科長陸榮錢真叩。

西報之紀載

大陸報云。徐國樞任松滬警察廳長多年。禮拜六夜間。在雲南路幾多亞路轉角浴室外面。為暗殺黨狙擊。恐有性命之憂。徐所携僕人。因與暴徒相搏。亦被一彈。受有微傷。暴徒為租界巡捕上前追趕。二方鎗彈交加。卒將其捕獲。該人被捕後。在捕房言稱。我若擊死他。我即快活。願以自己性命為犧牲。我是國民黨人。徐曾殺戮黨人多名。他人並將追隨吾後等語。出事時。在六點一刻。徐與隨人浴畢出外。汽車候在街旁。徐偃身上車。兇手李大生。突前放鎗。鎗為三二經自動式。鎗口逼近徐身。彈穿其腹而入。隨人上前搏李。亦被鎗傷頭部。李向雲南路奔逃。先有兩華捕追上。第三捕繼之。且放鎗四响。兇手亦還放。彈盡而止。幸未傷及旁人。兇手逃至北海路口。轉往跑馬廳。約五十碼許。為華捕之鎗擊中。伏地被擒。既被擒獲。泰然若不為意。徐受傷後。即用汽車送至仁濟醫院。由醫生用手術施治。不知其彈在何

處後聞病勢甚險。隨人則無大傷。李於被捕後。述稱是教書先生。圖殺徐國樑已有多。年。因七年以前。讀新聞紙。知徐是一壞人。李所言似有矛盾。此次暗殺。雖起於政治。其中當亦不無私怨。李容貌身軀。似一當兵武人。不似教書先生。於政治及徐之黨系等。頗為熟悉。李自言四十二歲。安徽人。為蕪湖高等學校教員。已娶妻生有一女。其父在安徽教讀清末。即入國民黨。七年前。在一上海報上閱過。詆斥徐國樑之語云云。當有人叩以該報在七年前。久已不存。安有其事。李亦坦然。不以為意。又言五月四日。從安徽到上海。十七日赴廣州訪友。向其取得手槍旅費。但李於船價日期之類。均不知曉。且言友人在南方軍中。帶兵三四千。自稱教讀先生。似亦不符。李被捕後。態度安閒。時露微笑之色。自言八日前。從廣州返滬。常在徐衙門前暗行。跟其舉動。又自言放鎗時。如何情形。從容不迫。言及國民黨。竟頗高興。且屢云滿意。李衣服楚楚。着黑馬褂。灰色長衣。巡捕在其山東路旅館內。搜得衣服無多。徐國樑十餘年前。與直軍同來。其時陳其美方有事於上海。嗣任淞滬警察廳長。近方擬畀以警務督辦之職云。

通信社

國閩通信社云。徐國樑遭人狙擊。負傷在仁濟醫院診治。醫院門口。昨日滿布警廳人員。各方探問病況者。計有岑西林。王開治。許沅。沈寶昌。汪幼農。任筱山。及日總副領事等百餘人。均未得入內。僅由代見者傳述。謂病勢業已略減。惟據可靠方面消息。徐氏傷勢。迄未稍減。身體熱度。達一百度。因之各種手術。未能設施。所中子彈。現尚留存腹內。未能搜取。須俟體

溫略減方可用愛克司光照。取因子彈暫留腹內，尚無大碍。徐氏安危尚須視其體溫能否減低也。徐氏因流血過多，精神不佳，故昨日官廳方面及其戚友之往問者，醫生均阻其面晤。即家屬亦暫隔絕，以資靜養。聞徐氏因流血過多，熱度過高，曾經暈去，旋即復蘇。又據看護者言，則謂脈搏確已甚微。至護衛楊志均病狀，據警廳中人仍謂病勢已減，惟傳聞楊傷勢過重，兇手現仍羈押南京路捕房。昨日星期未加訊問。今晨將解至四馬路總巡捕房後，再押至會審公廨審訊。行刺原因，外間傳說則謂行刺之李某與韓恢有舊。徐氏誘執韓恢已引起其復仇之心。繼徐又捕吳世英而殺之，益致不滿。最近蘇齊又密開一名單，達二十餘人，囑其設法誘緝。因之徐氏受人之憤慨益深云。

東南通信社云：徐廳長之傷勢，據醫生言，昨晨熱度漸底，神志亦稍清。午間曾招該廳長總務長入內，命速回廳照常辦公，免搖動人心。創口自經牛惠霖醫生用手術將破裂血管彌縫，傷口血已止住。彈雖在內，但若無變化，可無大碍。惟須再歷數天，始可用愛克司光探視。昨仍用補血藥粉以補其血。至下午熱底又低，略有轉機。若無變動，再逾二天即可出險。徐國樑之侍從楊志均，傷在腦角，彈從太陽穴側入，即由眉上爆出，尚非致命之傷。因一時痛極倒地，初頗呈危象。現經醫士用手術包裹。據云大約可以無虞。溫泉浴室徐除有事外，每日必於四五時後前往洗浴。因此為刺客暗算。前晚曾預定由溫泉浴後赴某大菜館中應席。後再往舞台觀余叔岩之打鼓罵曹。與程艷秋之玉堂春。不料甫出浴室門，即遭刺客之擊。云徐氏由溫泉出時，在門前曾略立片刻，迨汽車從停車處開至，甫舉一足上車，刺客

即從北一雲南路一放出一彈中徐氏腰徐忍痛登車倒卧車中車夫時已幫同追捕刺客適有綽號天津老三者為徐氏舊部時因事自裕德里附近弄內出聞耗登徐氏汽車呼喚徐知為天津老三乃脫手上斑指等件示老三謂汝若能開汽車望速開至仁濟醫院以此謝汝老三遂開車疾馳至院先手為捕拘入捕房後昨日為星期日公廨停止辦公故須今日解堂先手恐不止一人本埠除中國官廳外如公共租界法租界捕房均通令協緝要犯

徐氏臨終之情形

前晚九時起徐氏呼吸稍形急促以後漸漸增劇然至昨日上午一時尚無危象發現二點鐘時痰忽上擁氣喘益劇徐氏欲稍將上身坐起其時牛惠霖何理中二醫生均在床側勸其不可多動徐氏不聽竟命部屬扶起而呼吸更加困難脈搏益顯弱亂未幾復卧下自是時起注射激心劑五次並給服平喘藥水二次終屬無效至四時許手足冰冷牙根已僵欲語不能狀頗可憫其時室中有徐之正室及第五妾與徐之堂弟老三總務科長陸榮錢牛惠霖何理中鄭安立醫生及親友數人記者亦在其列徐之正室當晚抵滬後即入病室省視其親友恐觸動悲傷旋即勸人招待室至病危時始再進徐室徐之堂弟頻問徐氏有無吩咐徐氏目視親人勉強斷續發言其時甚低除其親人外都不聞得至五時徐已呼吸僅屬當時徐之部屬職員及親友皆慌亂異常有主張請廣慈醫院院長來助診視者有主張託陶公館請美國醫生某氏來助診者（美醫生應召來時徐已氣絕）最後乃與牛惠霖醫生商定用電話召紅會總醫院救護汽車前來預備將徐運回警廳俾終正寢至五時四

十分。徐氏氣絕身死。即經家人將先一時取來之綢製袍褲。覆以綢衾。穿好。徐之夫人等。則先叫戚友。扶持上汽車。送回公館。六時紅會救護汽車已馳來。乃將屍昇入車中。由總務科長等。分乘汽車前導。送回警廳。當時尚擬於病室拍照紀念。因時間促。未果。是晨院中醫。生。全夜未曾安眠。本報特派員。亦澈夜未眠。故徐氏卒時。天已黎明。本報尚能得到報告也。

牛惠霖醫生談話

徐氏屍身運回後。牛醫生自駕汽車返寓。其時已日上三竿。記者因與牛醫生便道。蒙招全乘。途次牛醫生甚為徐氏傷悼。據云。徐氏不救之故。厥有三端。其一流血過多。其二體質本元太虛。其三心志過剛。不恪遵醫者勸告。前日余一牛醫生自稱一頗喜。徐氏病狀有二三分希望。不圖至昨晨驟變。竟至前功盡棄。殊覺可惜云。

徐氏之喪禮

昨晨徐故廳長之屍體昇回廳署後。即雇海潮寺僧人四十九名。至署設壇誦經懺。一晝夜。並令本城太平街冥器店。製紮仿真綠呢大轎一頂。轎夫八名。另備仿真馬匹一騎。馬夫一名。以備十四日辰時大殮時焚化。而所紮轎馬夫役。及其所穿衣服。均與真者無異。

徐氏遺骸運歸警廳後。即停於署之東花廳。棺木開由其戚顧姓承辦。價值千餘元。何護軍使聞耗。即於九時下令。命代理廳長陸榮廷。署理松滬警察廳長。十時許。何使乘車親往警廳弔奠。未幾軍政界。如防守司令。海軍領袖。各團營長。交涉員。道尹。知事。局長等。咸紛紛命駕戾止。至靈前弔奠。徐之三位公子。昨日尚未赶到。警廳方面。於昨晨七時。即發電報告省

當道護軍使及徐在津親屬。昨日料理喪務事宜。尚未推定何人為主任。由各職員襄同徐之堂弟辦理。聞徐氏在津。除三子外。尚有同胞兄弟三人云。

徐國樑簡明履歷

徐氏履歷甚長。茲記其簡明者如下。徐生於前清光緒三年。今年四十七歲。直隸天津人。北洋警務高等學校畢業。光緒十七年投効淮軍。三十年委充青縣警察正巡官。兼傳習所教員等職。至清宣統二年。充天津南段巡警總局稽查。三年升任該地東區警察隊官。民國二年。改充天津四鄉警察第四分署署員。是年八月調充天津警察第一分署署員。是年由督辦淞滬水陸警察薩鎮冰調滬。委署第三警察區署署長。民國三年。升署閩北警察分廳長。三年七月。擢升淞滬警察廳長。旋授陸軍少將。五年一月。授陸軍中將。九年三月。加警務處長銜。本年十月。授將軍府將軍。並歷授二等大綬寶光嘉禾章。二等文虎章。勳四位云。

徐氏生前之軼聞

徐氏前日尚未病危之時。聞其屬下談論云。徐於今年曾倩某術者相面。據云。今年若遇火字。頗難過關云。又謂自程艷秋余叔岩來滬登台後。徐無夕不往聽戲。滿意時狂呼叫好。旁若無人。且恒獨自私行。左右親屬等。時勸其鄭重。徐惟微笑。殊不以為意云。

徐氏之家產

徐氏家產已達四百餘萬。今年方在天津原籍。建造新屋費二十萬。已竣工。本擬待其次子結婚。回返原籍。今竟逝矣。目當不瞑。

徐氏之家庭

徐氏年四十七歲。大夫人原在津。已到滬。有子三。次子定今冬完婚。妾五。除五妾在滬外。餘均在津。有堂弟一。在護軍使署供職。

徐氏保壽險三千元

徐氏生前。因提倡人壽保險。在華安合羣保壽公司保壽險洋三千元。昨日已由公司如數送廳。由徐之家屬。如數照收。並登報鳴謝。

各方面之弔唁

徐國樑殞命。代理廳長陸榮廷。除飛電江蘇督軍省長。淞滬護軍使報聞外。並又通令所屬各區署。所有在差官警。均令由即日起。一律纏紗服孝。並令各區署長。將界內防務。一體加嚴。以防宵小。乘機鼓動。故昨日華界各處。均已無形戒嚴。淞滬護軍使得報後。亦覺非常惋惜。除令副官處派員前往警廳。幫同辦理喪事外。並又通令海陸各軍。俟徐故廳長舉殯日。酌派軍隊。前往護送。並令廳道縣。均於是日下半旗。悼以示篤念之意。英法各捕房。捕頭。聞亦已令知捕房。準於是日酌派華捕若干。前往執紼。以誌敬意。又陸代理廳長。昨日傳諭本廳內外部各員。着於今日（即十四日）上午六點時。齊集廳署。以憑隨同送殮。並令所屬各區署所隊。應於十四日起。一律懸掛半旗三日。以誌哀悼。但現下辦理喪務。甚為繁重。特在本廳偵緝隊。暫設治喪事務處。並由偵緝隊長郝憲章。趙幹生。將所派各區之偵探。暫行調回警廳。共分三班。每班派探十名。以六小時為限。輪流聽候差遣。所有警察各長警。均應

於左臂。各懸黑紗一條。惟衛隊巡士之左臂。一律各束白布一方。以示區別。藉誌哀思。上海縣知事沈寶昌。昨晨接聞徐氏傷重身故之消息後。當即驅車至警察廳視察照料一切。旋又發電南京。報告軍民兩長。一面備製大號花園。贈送到廳。以資弔唁。本埠官紳商董。昨晨聞知徐氏身故消息。凡與徐氏有交誼。聞信無不惋惜。紛紛贈送花園紙帛。並至廳署慰唁。重要各官紳。由陸代廳長代為延見外。其餘均由傳達處擋駕。並通知今日大殮時間。即行回去。警廳於徐逝世後。即訓令本廳各區署。云為通傳事。徐廳長遇刺受傷。入院救治。祇以傷勢沈重。突於本月十三日上午五時四十分鐘。遽爾逝世。凡我官警。同深震悼。茲定於十四日起十六日止。各局署所隊。均下半旗。所有值崗長警。咸各自備濶三寸黑紗一長方。懸諸左臂。藉以誌哀。合亟通傳。其各知照。此傳。

警廳職員之談話

昨日下午六時。本報特派員。詣警廳。當蒙職員迎入招待室茗談。據職員云。十四日上午九時。徐故廳長舉行大殮。初擬俟其公子到滬舉行。因恐十四日尚不能奔喪抵埠。故稟承徐夫人命。先行大殮。廳中職員。除陸總務科長外。餘皆仍照舊章供職。各區署已命特別注意保護轄境治安。徐故廳長近曾因警餉不裕。向銀行移借二十三萬餘元。陸廳長現已據實電陳督軍省長。要求設法維持矣。警廳除喪事處門前掛白。停靈處稍事點綴外。尚無如何佈置。各長警於昨換班時。皆一律臂纏黑紗。各區署分所。皆下半旗誌哀。外埠軍政各界之唁電甚多。

警廳長繼任問題

徐氏身歿後。該署人員當即致電蘇齊。浙盧報告一切。茲聞昨日已得兩長復電。盧督辦贊成徐之遺電。保薦總務科長陸榮錢接充。以副徐氏殷殷薦賢之意。齊督則以地方為重。而委任申振剛接充。並飭申即速任事。廳長一缺。將來尚不知鹿死誰手也。護軍使何豐林自聞徐國樑遭人鎗擊受傷。送院醫治後。即以淞滬警察廳長一缺。職務重要。委任該廳總務科科長陸榮錢暫行代理在案。昨晨徐氏身故後。當由陸代廳長電陳軍民兩長核示。至下午即接奉南京韓省長回電。委任陸為代理廳長。陸奉電後。當即呈報何護軍使。請為備案。又聞該廳繼任廳長一席。謀者極衆。祇以此缺為簡任職。非中央任命不可。現保薦者紛紛。據政界中人云。須俟喪畢。方可定奪。又陸榮錢代理警廳長職務。昨日已函滬上各團體各機關。請為查照。並令知所屬各區署所隊一體遵照。

徐國樑遺電

龍華松滬護軍使何鈞鑒。廳長慘遭匪徒狙擊。傷中腰部。入院救治後。復蒙派員慰問。方擬日見全愈。得備釣座驅策。効力國家。詎文日晚十點鐘。忽染痰喘。自知傷勢沉重。恐難望有轉機。引企鈴轅。曷勝嗚咽。惟念淞滬幅員遼濶。廳長職務重要。非得有老成幹練之才。不足以臻治理。而資鎮懾。查現任總務科長陸榮錢。前在北洋辦理警務有年。為廳長總角之交。贊助勳業。深資臂助。而於全廳僚屬。地方輿情。尤多允洽。陸榮錢係陸軍簡任職。奉調來蘇。以之接任廳長之職。洵屬眾望咸孚。資格適當。廳長身將垂死。謹欲薦賢繼任。以報知遇之

息伏枕陳詞無任屏營待命之至。廳長徐國樑文叩印。

何護軍使元電

北京國務院陸軍部內務部鑒。陸軍中將將軍府將軍淞滬警察廳長徐國樑於本月蒸日因公外出。在公共租界愛多亞路突被兇徒狙擊。鎗中腰部。兇手當場追獲。該廳長即時移入仁濟醫院療治。所有該廳職務。經本署委派該廳總務科長陸榮錢代行。方冀該廳長醫治有效。早日獲痊。照常任職。詎本日據報該廳長於昨晚發生疾壅氣喘。醫治罔效。竟於本日上午五時四十分出缺。查該廳長在滬任職歷十餘年。勞瘁不辭。勛勞卓著。乃竟因公被禍。遽爾殞命。緬懷往勩。悼惜良深。亟應特予優卹。以彰忠蓋而慰幽魂。擬請照陸軍陣亡例從優給卹。即日明令發表。仍盼先行電復。至所遺該廳廳長一缺。關係重要。自非熟習情形。幹練有為之員。不能勝任。該廳總務科長陸榮錢原係天津警察學堂第一班畢業。歷充警務要職。隨徐故廳長在滬任事有年。經驗宏富。資望素孚。堪以接署斯缺。已由本署先行令委。以重職守而安人心。並電江蘇省長查照。加給委狀。照章呈薦。滬上地方安謐。堪紓屢系。兇犯李大生一名。經警廳派員赴捕房訊問。據供向隸老同盟會。因為同學韓恢復仇。故出此舉。同伴差人馬玉標一名。不知逃往何方等語。該犯業於昨日由公共公解。引渡來署。經發科研訊。所供大致相同。除飭嚴究主使。並通飭緝拿在逃之馬玉標。務獲盡法懲辦外。謹此電陳。何豐林元印。

何使令陸榮錢文一

此次淞滬警察廳長徐國樑被匪狙擊受傷。移入醫院療治。業令飭該科長代拆代行。在案方冀該廳長調治就痊。早日回復職務。以資倚畀。茲據報告該廳長於十二夜十時。痰氣上壅。復增氣喘。症象陡變。醫治無效。竟於本月十三日午前五時四十分出缺。該廳長在滬任職。歷十餘年。勞瘁不辭。勲勤卓著。乃竟因公被禍。遽爾殞命。緬懷往績。悼惜良深。亟應從優撫卹。以彰忠蓋。而慰幽魂。業經電請中央核辦。所有該廳廳長一缺。關係重要。當此時局不靖之際。苟非情形熟悉。幹練有為之員。斷難勝任。該科長在廳有年。辦事穩練。本使素所深悉。堪以暫署斯缺。以重職務。而安人心。除電江蘇省長加委外。合行令仰該員即便遵照。刻日任事。妥慎辦理。勿負委任。並將任事日期具報查考。切切此令。

何使令陸榮廷文二

此次徐廳長因公被刺。據報出缺。業經本使令委該員接署任事。在案。查徐故廳長自民國二年來滬任職。迭遇事變。均能忠勇奮發。維護地方。平日督飭僚屬。盡心職守。不辭勞怨。不避艱難。尤能消患無形。為歷任長官所倚重。乃竟慘遭狙擊。中傷要害。醫治罔效。遽爾殞命。彌留之際。語不及思。噩耗傳來。曷勝驚悼。本使親臨撫視。痛哭失聲。論私情既少一心交。論公誼復失茲臂助。該員在廳各僚屬均係徐故廳長識拔有年。患難相從。情誼至厚。其悲痛更可想見。惟念徐故廳長在職時。無日不以地方為重。同舟風雨。知之最深。齊志長眠。後死有責。該員等均係勤勞素著。為徐故廳長平日倚重之人。自當以徐故廳長之心為心。並加奮勉。對地方能盡維持之責。即所以慰徐故廳長九泉之靈。現在滬上既發生戕官重案。人

心不免浮動防務自應加嚴。況臘屆冬防尤當督飭各區格外注意。仰即通傳各區署一體知悉。務各恪勤厥職勿稍疎懈。本使有厚望焉。此令。

總商會開臨時會董會

昨日下午五時本埠總商會為討論淞滬警察廳長事開臨時會董會到有方椒伯勞敬修馬玉山虞洽卿徐乾麟葉惠鈞謝衡臆袁履登沈潤挹聞蘭亭石運乾樓恂如馮少山趙晉卿等十五人會長方椒伯主席報告謂茲悉淞滬警察廳徐廳長因傷出缺地方秩序關係重要特開臨時會討論經眾議決電致督軍省長及護軍使請委總務科長陸榮錢署理以免紛更致軍民兩長官電云南京齊督軍韓省長鈞鑒淞滬警察廳長徐國樑因傷出缺諒早由該管官吏據呈報滬上為通商鉅埠警察與地方治安關係最深如果繼任人員情形稍有隔闕恐難收融洽地方輯和軍民之效查有該廳總務科長陸榮錢現代理廳長任事有年情形熟悉擬請鈞署就近委署以收因地制宜駕輕就熟之效上海總商會叩元致何護軍使電云何護軍使鈞鑒本日致南京軍民兩長電文曰一文如上電一等語應請鈞使協同主持以順輿情上海總商會叩元

各公團向軍署請願

自昨晨徐警長因傷出缺後南北市地方各公團各推代表向軍署請願由李許兩副官接見各代表陳述淞滬警長一席關係中外公安至巨請由軍署擇地方信仰之人接任以安眾心並申說反對北方再派武人繼任之決心兩副官允為轉達而別

陸榮錢呈報何使文

何護軍使得徐出缺消息後。即委該廳總務科長陸榮錢署理。陸當遵令任事。並呈報何護軍使云。呈為奉令委任。遵將任事日期備文呈報。仰祈鈞鑒事。竊奉訓令。秘字第五十八號。內開。此次淞滬警察廳長徐國樑被匪徒狙擊受傷云云。仰該員即便遵照。刻日任事。妥慎辦理。勿負委任。並將任事日期具報查攷。切切此令。等因奉此。聞命之餘。無任惶悚。伏念榮錢備員淞滬。自愧材幹。今乃罷命榮膺。何堪肩此重任。第為地方治安。徐廳長身後計。惟有勉竭駕駘。上答知遇。而供驅策。除即日任事。督屬勤慎辦理外。理合將任事日期備文呈報。仰祈鈞鑒。寔為公便。云云。署理警察廳長陸榮錢。

陸榮錢之通函

淞滬警察廳總務科長陸榮錢。昨日通函警廳所屬各區署所隊等云。選啟者。案奉江蘇省長韓蒸電。內開。淞滬警察廳陸科長。覽蒸電。悉徐廳長在途被匪狙擊受傷。殊深殷念。除派本署申主任振剛馳往慰問。並電江蘇許交涉員將獲犯引渡訊究外。所有廳務。暫由該科長代行。以重職守。仍將徐廳長受傷如何。及訊究情形。電陳等因奉此。前日又奉淞滬護軍使令。同前。因榮錢自顧菲材。何敢膺此重任。第念疇昔受廳長知遇之厚。當此變生不測。自以維持現狀。勉負責任。為前提業於十一日。代行職務。藉以仰副省長軍使之委任。惟念我內外僚友共事有年。贊助匪勤。無待榮錢之贅述。所望內部人員。按照向例。盡心辦公。外部人員。督飭官警。各就轄境以內。加意防維。各盡職守。但期案無留牘。地方又安。即所以崇報

廳長平日之優遇也。洵誠幸布。幸祈亮鑒。

徐氏家屬痛恨兇手

徐之眷屬及其夫人等均以戕害廳長之兇徒李達生。即鄭一鳴。現既獲解軍署。訊供亦已直認不諱。當予明正典刑。現擬要求何護軍使令將該兇犯於今日廳長大殮時。押解到廳。即就靈前執行死刑。剖其心肺。以備祭奠亡魂。而昭炯戒。但未知能邀允准否。

南京派申振剛接任

徐氏於昨晨大殮。至繼任問題。何使委陸榮廷已經接任。而南京方面。又委申振剛。兩方相持。尚難解決。茲將昨日所聞。分列如下。

申振剛不能接任

淞滬徐廳長出缺後。蘇督長會委申振剛接充。茲聞本埠沈知事。王道尹等。昨日均接南京來電。謂淞滬警廳長。已會派申振剛接署。希一體知照云。惟申昨日到滬後。即往龍華軍署。晉謁。適因何使公出。致未接見。以此尚難任事。因須俟何使同意。方能有效。但聞何使有令。致陸榮廷。令其恪謹任事。不得私自交代。以重地方公安云云。至地方各公團等。以陸科長任職多年。資望均多。多數表示歡迎。昨日各公團代表等。特在某處。非正式會議。對於齊督另委繼任之人。均主張擋駕。除一部分公團。已聯名致電省署。請願收回成命外。其餘各公團。均擬今日開會討論。表示辦法。有人主張此事。非特關係地方治安問題甚大。亦且違反反對北京政府之初心。故決計反對申氏來滬。所有北京及南京另委之說。概不承認云云。

各國體秘密會議

徐國樑因傷身故。遺缺由淞滬護軍使何豐林。令委該廳總務科長陸榮錢署理。惟南京齊督軍韓省長。則會委申振剛接充。頗引起各方面之注目。滬上人士對於廳長一缺。繼任問題。深為注意。蓋以官廳各懷意見。政令不行。而人民觀此景象。甚為驚惶。是以本埠重要公團。如上海商會。江蘇省教育會。縣教育會。上海市議會。市董事會。縣議員聯合會。救火聯合會。上海市農會。上海慈善團。款產等處。於昨日下午四時。假城內虢河路。也是因特開聯席緊急會議。到會者有李平書。姚子讓。莫子經。沈信卿。姚紫若。凌伯華。賈叔香。李佑之。吳叔田。楊東山。陸崧侯。顧馨一。毛子堅。沈步瀛。狄巽公。江政卿等十六人。秘密會議。一議決情形。暫守秘密。將於日內有一種重要之表示。至五時散會。

又一消息 本埠紳商各界。昨在城內也是因開會集議。擬舉李顯謨。號英石。為淞滬警察廳長。蓋李係前任江蘇水上警察第二廳廳長。前於光復後。曾任滬防水陸全軍統領。及第三混成旅旅長之職。於軍警二界。富有經驗。且現充江蘇督軍公署諮議官之職。資格亦宜。而與滬甯兩方感情。亦甚融洽。是以擬保李君。充任斯缺。究竟如何。容再探訪。

何使復上海總商會暨電

上海總商會暨元代電悉。徐故廳長慘遭狙擊。因傷出缺。據該故廳長遺電。推薦總務科長陸榮錢繼任。當查該科長原係天津警察學堂第一班畢業。歷充警務要職。隨徐故廳長任事有年。兼充該廳機要主任。保有簡任職存記。資格甚深。經驗亦富。其淞滬與內外僚屬。尤

稱允洽。即經本署令委接署松江警察廳廳長職務。並電請江蘇省長查照加委。已據該署廳長呈報於昨日。接任視事。在案。據電前情。具徵貴會注念地方。關懷大局。至深欽佩。已飭陸署廳長益矢忠勤。恪供職守。用慰商民之望。知注特復。何豐林監印。

韓省長致徐雲洲電

上海麥家園仁濟醫院徐雲洲先生鑒。頃據陸科長電稱。令兄醫治罔效。竟於今晨出缺。因公受創。悼惜殊深。身後事宜。已電令該科長妥為照料。並電中央優予撫卹。廳事已會委本署警備主任申振剛。即晚前往接署。務請安心治喪。勿過哀痛。特此奉唁。敬祈台察。韓國鈞元印。

陸榮廷之宣言

松江警察廳自徐廳長因傷出缺。即奉松江護軍使委任。該廳總務科長陸榮廷署理。業誌前報。茲探悉陸署廳長於接任視事後。即召集內部督察長科長科員外部局長署長隊長署員開臨時會議。聞其發表宣言。略謂徐廳長被匪狙擊。傷重逝世。滬上人心皇皇。允我僚友。尤自痛心。現兇犯既經解送軍署。自必嚴究主使之正兇。盡法懲治。以慰徐廳長英靈。惟保護地方。乃警察職責。尤應勉勵從事。永保徐廳長令名。即所以報徐警廳長於地下。此次奉軍使委任。本不敢肩此重任。第為地方治安。徐廳長身後。並為我官警三千餘眾計。不得不勉為其難。今幸接事後。各長警對於職務。均能振刷精神。至為忻慰。值此冬防伊始。所有轄境防範。務必嚴密布置。消息無形。我僚友風雨同舟。其事多艱。尚望協力同心。藉匡不逮。

陸榮錢致齊韓電

代行警察廳長陸榮錢自前日接蘇齊督來電。飭安為料理徐故廳長身後事宜。聞昨日陸氏已有電覆云。南京齊督軍韓省長鈞鑒。軍電敬悉。徐故廳長於寒日辰時大殮。身後各事。敬遵安為辦理。地方安謐。可紓廛注。代行廳長陸榮錢叩寒印。

陸榮錢致上海總商會函

淞滬警察廳長已委科長陸榮錢。昨日陸氏函上海總商會其文云。逕啟者。案於本月十三日奉松滬護軍使何訓令。一令文已見昨報。一奉此遵於本日接任視事。除分呈外。相應函達。希請查照。至緝公誼。此致上海總商會。

上海縣商會致南京電

上海縣商會因淞滬警察廳長徐國樑出缺後。所遺警廳長一職。關係重要。特電南京齊督軍韓省長贊成陸榮錢繼任。並公函松滬何護軍使抄呈致督軍省長原電。請為查照。茲錄電文如下。南京齊督軍韓省長鈞鑒。淞滬警察廳長徐國樑因傷出缺。人心震悼。上海為通商巨埠。匪類充斥。謠詠繁興。值此時局不靖。群情惶駭。全賴繼任得人。方能維持秩序。幸代理廳長陸榮錢既素為部眾折服。又與紳民協洽。務祈鈞座俯順輿情。維持現狀。以靖地方。而安人心。大局幸甚。上海縣商會叩寒。

徐氏大殮情形

昨日上午八時。徐故警察廳長舉行大殮。廳中自陸新廳長以下。科長科員。督察長偵緝隊

長保安隊長騎巡隊長各區署長官皆於六時許。即齊集廳中。門前加派保安隊一大排。持鎗守衛。政界如交涉員。道尹。知事。審檢廳長。江蘇第二監獄長等。均於七時後相繼蒞止。紳商界亦有數十人。松滬護軍使偕同參謀長。副官長。防守司令。憲兵營長等。於八時左右蒞廳。本報特派員方菊影君亦往致唁。當由廳中職員一一迎入客室。陸新廳長及徐弟雲洲等親為遺骸穿戴冠服。勳章。入殮時。何軍使。陸廳長。汪參謀長等。均立於前。除客皆擁擠於天井中。何陸痛哭甚哀。廳中職員亦莫不悲泣。警廳軍樂隊護軍使署軍樂隊吹奏哀樂。聞之凄然。保安隊於該廳之園內。鳴放排槍。廳內外站隊之警察均行雙手舉槍致敬。殮畢。何使等依次向靈前行禮。至十時許始各駕返。而各界往弔仍絡繹不絕。較前日尤多。徐之三子昨日尚未到滬。舉殯日期現尚未定。齊督韓省長接電後。前日即派代表附搭夜車。於昨晨抵滬。逕赴警廳弔唁。昨日軍政紳商學各界所送輓聯花圈甚多。不可勝紀。

徐氏喪禮瑣聞

徐廳長遭擊後。該家屬惟正夫人於前日到滬。其他人等均未趕到。茲聞該廳昨接津家屬電稱。全眷准十五日到申。並囑派人赴浦口迎迓。來申云。北京龍泉寺。蘇州大宏寺。上海鳳明寺。住持僧自慶。與徐故廳長誼屬同鄉。故於昨日特延僧人九人。至廳誦禮。梁皇懺七天。並放瑜珈焰口三台。當由招待員知照治喪事務所預備經堂。以便設壇誦經。

又治喪事務所辦事員 已推定 廖秀山 姚欣之 汪東屏 李堯卿 華黑齋 黃文光 張竹蓀 尹村夫 錢伯賢 郝憲章 趙幹生 王岱如 溫秀衡 牛雲舫 顧

翁周 郭炳之 吳彥生 崔祝山 楊少章 定今日(十五日)一迨大公子徐少洲由津到滬後(約今晨七點時准到)一會議出殯日期及籌備應用一切儀仗徐之大公子名樹鑫號少洲年十七歲原定於舊曆十一月二十六日完姻坤宅為津宦王姓此次突遭事變是以將婚期暫緩俟服闋後迎娶其次子名樹溥年祇十二歲三子名樹強年八歲均在學校肄業徐之棺木係向南市聚豐木行購辦為楠木獨幅之材料價銀一千二百五十兩由木商董事馬驥良經手代辦其柩准即由滬運行運回天津東門外南斜街本宅再行定期開弔云

徐宅送殯之來賓

昨為淞滬警察廳長徐國棟被匪狙擊傷重殞命大殯之期 本埠軍政司法官長及紳學各界咸於昨晨七點時紛紛前往祭奠茲將送殯客目彙誌於下 松滬護軍使何豐林 前山東兗州鎮守使何豐鈺 江海關監督姚煜 松江防守司令王精甫 上海防守司令劉永勝 第六混成旅二團團長王子平 前江西省長陶家瑤 江蘇駐滬交涉員許秋颺 滬南工巡局長姚慕蓮 滬北工巡捐局長許劍青 上海縣沈知事 松江沈運副 滬海道尹王廣廷 上海兵工廠總辦謝錦章 上海電報局羅局長 上海稅務所長張子良 滬甯路局長任傳榜 軍署參謀長汪幼農 又副官長孫梓琴 又副官康守忠 浙江省長張載揚 浙江憲兵司令馬鴻烈 浙江督辦公署參謀長范毓靈 公共公解讞員關炯之 法公解讞員聶錫卿 緝私二營營長余炳文(紳界) 姚欣之

電話局長顧少萼 陸軍第四師長陳樂山 上海地方檢察車廳長 顧藩 陶希泉
 劉南策 潘炳章 吳憲奎 何理中 張鼎銘 李玉珍 周福欽 高長順 劉天
 相 汪藩 馮應熊 陳炳華 朱鳳昌 陳文甫 盛竹書 王彬彥 袁鳳翔 方淡
 金其照 王德山 陸伯鴻 沈聯芳 周廷璋 朱獻文 俞宗周 謝泗泉 王思
 賢 夏應堂 朱壽丞 劉承賢 劉爾修 任玉貴 沈南儒 李宣龔 錢祥瀚 張
 庶詢 史蓮孫 高士純 陸通誠 熊烈 王崇善 姚明燦 楊昌滄 董有安 董
 治 程麟 臧鵬 謝天錫 湯文鎮 舒樹基 謝惠塘 張嘉年 方有才 周從剛
 邵師光 王綾珊 東北城商業聯合會陳延福 程蓮孫 何維珏 徐春榮 許秀
 淵 陳懷安 衛芝山 陶心如 莫錫綸 黃慶澗 范毓仁 袁禮敦 毛子堅 沈
 變臣 黃楚九 閻惠慶 吳蘊齋 溫幹臣 姚伯鴻 沈步瀛 羅友后 姬覺彌
 哈同 秦錫田 顧棣三 徐紉孫 凌紀春 夏月澗 林榮慶 金茂如 馮誦春
 姚紫若 李堯卿 王開治 吳永魁 會文局長曹紹棠 楊韻秋 倪遠甫 徐驥
 孫元芳 葉薰 謝永淇 許丙炎 李文瑞 江一平 江萬平 江紫塵 陸琪 施
 鳳翔 董蘭芳 陶瀟 顧聯承 顧重慶 謝 周琴生 顧叔蘋 李國松 章保
 世 虞洽卿 傅筱庵 俞琢吾 余東昇 顧馨一 王一亭 李英石 陸崧侯

關於兇手之消息

行刺徐國樑暨擊傷當差楊志均之兇犯李達生。自前日由公共公廨引渡至軍署後。曾

經一等法官王思賢簡單訊一次各機關長官均列席旁聽供詞已誌前報昨聞軍署對於此案異常重視該兇犯李達生胆敢行刺地方重要長官其間必有唆使之人在自非嚴行鞠訊務獲主要一面通飭嚴緝幫助兇犯之馬玉標一名務獲實訊以明真相並由何使諭飭軍法課對於兇犯李達生妥為管押毋稍疎懈昨傳徐之家屬要求將兇手割心致祭之說關係不確又聞南京齊督於日昨電致松滬護軍使請將行刺徐警廳長殞命之兇犯李達生即日解甯以便詳訊主要盡法懲治云

楊志均之傷狀

徐國樑之護警楊志均子彈取出後昨日下午左眼忽腫溫度尚不高飲食亦佳但昨晚牛醫生語記者云今傷處發腫亦非佳狀若一有寒熱則必腦膜發炎恐不可救治云聞現告痊無恙矣

南京士紳之調停

據自南京來人云甯地紳士多人前日為松滬警廳長爭執問題曾作一度之會議結果擬請齊韓委陸暫代一面與何護軍使商妥一限定時間由申到任云

陸榮廷安心供職

陸廳長既受滬何面囑安心供職日來除辦理積壓案件外又通令各區警署嚴密巡防以保治安并傳諭各區長警各秉天職照常服務外間謠言幸勿輕信云云至甯方面所委之申振剛自遭各方擯拒曾赴甯請示齊督面諭着速返滬靜待機宜申因又於日昨來滬遷

寓某處。并派部下王某及甯籍某議員分向警廳內部及各士紳。各公團接洽疏通。謂如能許申到任。地方警權可由地方市議會等法定團體參預顧問云。

閩北商聯會之集議

閩北十一路商界聯合會。昨日下午。召集臨時會。到二十餘人。正會長余錫品主席。報告開會宗旨。略謂。此次徐輔洲廳長。遭匪狙擊。滬人士深誌感悼。而繼任廳長之賢否。實為地方之治安所繫。是非特與我商人。有密切關係已也。必得於警務上資深練達於地方上熟悉情形。然後措於裕如。不至遇事隔膜。現兩處相持不下。雖齊有允由陸暫代六個月之傳言。並未明文表示。設有變化。恐地方發生意外。則影響所及。我商人首蒙不利。應請共同討論云云。衆謂現代廳長陸榮廷君。歷任北洋警務有年。深悉華洋情勢。經驗宏富。資望素孚。為警廳僚屬所信服。即以總務科繼任廳長。並非越位。況為徐氏遺電所推薦。何氏委陸承之。確有見地。連日報章披露。足見滬上士商。羣情允洽。吾人深望齊督。化除成見。俾陸代廳長。安心供職。維護地方。至本會對外。應否表示。俟明日即今日評議會討論之。全体贊同。議畢散會。

警察廳長繼任問題

赴甯調人尚未歸

局勢仍無變化

蘇議員之鹽電 全省各公團暨父老昆季公鑒。松滬警察廳長徐國樑被刺出缺。變出非常深堪驚悼。本省軍民兩長府從民意。遠委蘇人申振剛前往接替。以重警務。頃聞道路紛傳有拒申接替之說。尤堪駭詫。吾蘇近數年來。愈主收回警權。專用蘇人。函電紛馳。羣情一

致蓋警政為內務行政之重要部份。果欲貫澈蘇人治蘇之主張。當以收回警權為第一步。申為蘇人。此次委以滬廳。實為蘇人收回警權之動機。務望合電當道。毅力主持。幸勿瞻徇。貽誤大計。臨電無任盼切之至。省議員錢鼎侯。兆圭。宋銘勳。陸曾燕。龔廷鴉。周乃文。暨

閩北公團呈軍民兩長電

南京齊督軍韓省長鈞鑒。淞滬徐警廳長遇害出缺。地方人士感悼同深。何使為維持地方治安計。當委陸總務科長署理廳事。人心賴以鎮靜。鈞署會呈任命申振剛為廳長。具徵維護地方之至意。惟陸署廳長久在滬廳供職。情形熟悉。人地相宜。擬懇俯順輿情。以維人心。鈞座愛護地方人民。共仰伏祈嘉納。不勝感禱。閩北公團聯合會叩。

昨日之形勢

甯滬兩方面為爭委淞滬警廳長一缺。往來文電均誌前報。茲聞該廳所部長警全體計有三千餘名。業經互相訂約。服從陸廳長。將來申若接任。立即全體辭差。每人各自籌備餘餉三元。以憑購買船票回里之需。眾志堅決。一致進行。現為軍署訪聞。特派委員分頭安慰。諭令仍以保護地方為重。勿得發生操切行為。靜候辦法。

各團體之會議

昨日下午二時。山東同鄉會。農協會。崑山同鄉會。崇明同鄉會。瀏河旅滬學會。南滬同人會等十餘團體。假大東門新社開臨時會議。到代表二十餘人。由主席陳述徐廳長遺缺。同人會曾最先向軍使請願委任相當人物。以維治安。滬人不願受北京政府及其屬吏命令。

幸軍使俯順民意委陸總務科長署理但省中又委申振剛繼任致雙方爭執不已萬一各走極端為廳長而成戰爭之導火線徒苦吾民茲為維持地方治安計可否由各團體另推相當人物則不致妨碍地方安寧次由周絳文等謂滬甯兩方既相持不下查有現任吳淞警察局長顏玉琛在滬任警察廳職務八年對於地方各界感情尚洽前任閩北署長時尚得士商之贊譽經驗資格似屬相宜次并討論地方人士擔任之利弊頗久結果主於今日下午續行開會詳細討論公決再行呈請軍署俾息爭端云

省委龐甸材之談話

自徐國樑遇刺死後繼任問題忽起糾紛韓省長即委龐君甸材到滬從事調解寓一品香旅社今日(十八)擬返甯覆命中外通訊社記者昨特往訪叩詢種種談話如(問)警廳長繼任問題社會咸極注意申君振剛資格甚深既係省長令委又經北京政府正式命令而何護軍使則已另委陸榮廷君署理相持不決未知以職權論應由何方令委方生效力(龐君答)警廳長一職係簡任文職應由省委行政系統不容紊亂淞滬為蘇省一部分警政又在行政範圍以內應受省長管轄不言可知(問)或謂護軍使亦有委任行政官之權然乎(答)委任行政官不在軍法範圍以內界限甚清(問)然則何使委陸是否越權(答)非是何使重鎮松滬聲望夙孚徐廳長逝後何使恐地方發生影響為維持治安計故就近委陸實係暫時權宜之計(問)外間傳言警長問題牽涉政治關係確否(答)非也齊督軍韓省長向與何使政見融洽外間猜測不足深信(問)申警廳長終將接任乎(答)政府昨

已下令淞滬警廳長在申君振剛未到任前由陸榮廷暫代申君到任時陸君必不致抗違政府命令。措不交卸。何使素以地方治安為重亦必諒解不致堅執現政紳商各界代表史量才君許交涉員等已赴甯請願亦均主張陸氏暫代再由申君正式接事各方意見可見一致云云。

國聞通信社消息

國聞通信社云 淞滬警廳長問題雙方相持。昨日仍未有解決辦法。赴甯從事調停之姚文敷等六人昨日間尚未返滬。俟商有結果再行旋滬。至申振剛自奉蘇齊命來滬慰視徐疾後迄未離滬。現與省署司法秘書龐某同寓石路某小旅館。目下猶在向各方接洽。前晚曾在某處邀宴本地紳士。一面曾往警廳中職員私寓。從事疏通。至地方推人接辦之說。警廳中人已認為不成事實。緣淞滬警察計有三千八百人之多。大多數均係天津人。歷史關係甚深。非任何人所能統馭云。

關於徐案兇手之近聞

徐國樑被人狙擊負傷出缺。所獲兇犯李連生。禁公共公解引渡到署。發交軍法課迭次研鞫。口供嚴行禁押在案。惟查此案據李供出尚有隨同之馬玉標一名。在逃未獲。事關謀刺地方長官。案情重要。何護軍使現據徐故廳長之家屬咨呈願出重賞。請緝馬玉標到案。詳細研究。嚴行質證。以明寔在等情。爰特咨請英法租界各捕房派探一體協緝。又令知所屬軍警各長官務各購線嚴密緝拿。以期速獲。而資究懲。聞不日將頒布賞格。將馬玉標之年

歲籍貫面貌等開載明白。以便諸色人等一體注意查緝。又甯滬兩方關於此事文電錄下
蘇督長咨提兇手電文

萬急 龍華何護軍使鑒。刺徐李犯既經英捕拿住。自應解省訊辦。且接專電。謂李犯為韓
恢報仇。現正偵緝韓恢餘黨。尤應解省嚴訊。以窮究竟。而維治安。案關重要。幸勿遽爾處決。
除派湯課員文鎮咨提外。特電奉達。即希查照。為荷。齊燮元韓國鈞稟。

附咨文 江蘇督軍省長公署（秘字第七三號）為咨請事。案查淞滬警察廳徐廳長國樑
被刺一案。所有該兇犯李達生一名。當經英捕拿獲。並承貴使飭解引渡。正擬提解來省。訊
辦。適准台電。業經解赴貴署。以憑澈究。查該犯供詞。有為韓恢復仇等語。案關謀刺長官。為
匪復仇。案情重大。亟宜解省。訊究。冀成信讞。茲派軍署課員湯文鎮赴滬。提解該犯李達生
來省嚴辦。以重法紀。相應咨請貴使查照。迅飭將該犯李達生發交該課員押解來省。以憑
訊辦。寔紉公誼。此咨。松滬護軍使何。

何護軍使復電

急。南京齊巡閱使韓省長鑒。昌密專電。悉此案發生租界內。例歸本署訊辦。不能移解他
處。現正由捕房協助本署。嚴行根究。務得確情。以窮究竟。除俟湯課員到署。再行詳告外。先
此奉復。何豐林元印。

蘇督長提兇手續電

急。龍華何護軍使鑒。昌密兩元電均敬悉。徐案獲犯李達生。因原供為韓恢復仇。全案

在者自不得不提省訊辦。期可偵緝餘犯。若謂案出租界恐起各方疑問。論軍事審判則有
者係例。請以普通審判。則有司法程序。一經解釋。疑問自消。原案情節較重。初供又指明
關係韓案。嚴行根究。更為弟等與我公同一主張。各無成見。公與徐廳長相契甚深。其力圖
昭復之苦心。自必益較弟等為關切。惟就案論案。量為推求。自以歸省訊辦為適當。務乞察
照鑒諒。即將該犯李達生飭交湯課員提回。以便訊究。至為盼企。齊變元韓國鈞寒。

何使復齊韓刑電

南京齊巡閱使韓省長鑒。寒電敬悉。查本案發生公共租界。依該租界向例。凡應處死刑
人犯。只能呈解松滬護軍使署訊辦。不能移解他處。如護署不能訊辦。仍須發回租界。歷經
逐案聲明。當此公解治理權。未經政府收回之際。對外信用有關。成例所拘。萬難變通。辦理
詳情已囑湯課員轉達。至此案關係重要。查訊不厭求詳。已飭課嚴行研鞠。務窮究竟。並留
湯課員在署旁聽。以期詳慎。如為韓恢案。有應行訊問之點。無妨派員來署就訊也。特復何
豐林刪印。

徐氏喪禮瑣聞

徐國樑之第二妾劉氏。服後因津寓重要。乃於十六夜車携子回津。警派保安隊長王德
鴻護送。隨帶貴重物品衣箱五十餘件云。又聞徐故廳長治喪事務所各眷屬人員及屬下
近對於徐輔洲之訃聞已討論至再。聞擬按照前上海鎮守使鄭汝成因公出缺帖式之辦
理。現正起稿。又靜善堂主任邵連貴司董周從剛鄒德馨等。以徐氏生前在本地善舉頗多。

致函徐宅治喪事務所對於徐氏之死深為悼惜且以該堂建業端賴徐氏提倡募助始獲成功本擇十一月初三日行靜善堂落成立徐氏德政之碑並於是日議定乞止習藝所章程今徐已故乃喚工匠粉壁南齋洒潔淨專備安靈以便祭奠云

申振剛之略歷

申振剛吳縣人留學日本士官學校與督軍公署諮議李英石護軍使署參謀汪幼農同學惟未畢出校光復之後李英石任第三混成旅旅長時申在其部下充當團長其後李英石改任江蘇水上警察第二廳廳長申又在其部下充當參謀於軍事警務頗有經驗即何護軍使亦頗器重此次到滬寓東方旅館嗣即返寧至淞滬警察廳長此時決無到任之希望又聞當李明遠撤任蘇州警察廳長時齊督初許以蘇州警察廳長昇申其後齊忽屬意趙某是則此次足以引起政潮之廳長問題而忽委申者尤足見其手段云

南京贈徐氏喪費三千元

江蘇督軍省長以淞滬警察廳徐故廳長被匪狙擊傷重殞命殊深悼惜除咨請政府從優議卹外由省特籌治喪費洋三千元派令趙仲文為代表携帶來滬於昨日到廳面交徐自立堂治喪事務所核收藉資辦理喪務之需趙代表寓於英租界孟淵旅社六十六號

淞滬警察廳長問題之昨訊

北方已派代表來滬警廳長繼任問題雙方相持至昨日仍無新消息日前盛傳北京政府因寧滬爭執已下令陸榮廷代理申振剛未到任前由陸暫代但此項命令至今未下惟

北方業已委派天津警察廳長楊以德之弟楊以德南下。分任調停。並調查徐氏遇刺詳情。昨已行抵寧垣。俟與齊韓兩長接洽後即可抵滬。

韓省長堅持初意

聞韓省長對於淞滬警廳長問題主旨仍甚堅決。前日有由滬往寧之某議員。乃作調人前往謁韓。韓語之云。外傳委申任滬警廳長係出於齊督主見。但此事完全由我主張。因職權所在不能放棄云。

護軍使覆省議會電

松滬護軍使署覆省議會代電云。省議會鑒寒電誦悉。此次徐故廳長因傷出缺。人心震動。鄙人負有地方治安之責。自應即時派員繼任。以資鎮懾。況時值戒嚴。責無旁貸。職權所在。不容諉卸。特電奉復。諸希亮察。何豐林條印。

警務處之通令

上海縣警察所接江蘇全省警務處訓令云。案奉督軍省長公署訓令。內據淞滬警廳科長陸榮錢電稱。廳長徐國標因傷醫治罔效。業已出缺等情。遺缺重要。應即遴員接任。查有申振剛以委署以重職守。除委任並分令外。合亟令仰該處即便分飭所屬一體知照。此令。等因。奉此。除分行外。合行令仰該兼所長即便分飭所屬一體知照。此令。

蘇公團之函電

致何護使電。龍華何護軍使鈞鑒。自徐廳長遭人狙擊。全市駭然。鈞使為保持地方治安。

計特任陸科長榮鏡暫理此職維持公安。全市翕然。敵會方幸警政得人。商民相安。乃不意齊韓遽令申振剛接充斯職。而顛倒是非之省議員王朝幹等。附和徧袒。以致羣議沸騰。謠詠繁興。地方已呈不安之象。敵會同人為地方治安起見。昨開聯席會議。公決電致齊韓。收回成命。並函懇軍使俯順輿情。堅持初衷。倘申來滬。蒞任寔行拒逐。以維警政。而安人心。無任盼禱。江蘇自治期成會。改造江蘇同志會。江蘇公園聯合會。江蘇各縣自治聯合會。江蘇公民自決會。南通旅滬勞工總會。蘇事討論會。履業公會。江蘇自治策進會。江北自治協會。江蘇自治促進會。江蘇政治研究會。通如泰崇海五邑旅滬學會。叩寄。

致陸署廳長函

芷亭廳長鑒。自松滬警廳長徐國樞出缺。何使任先生權理此篆。同人聞命。踴躍三百。地方安甯。於焉有賴。現齊韓又任申振剛來滬。接充。而非法之省議會議員。隨聲徧袒。羣起爭執。人心惶惑。治安堪虞。敵會同人為地方策安甯計。特開聯席會議。公決電致齊韓。收回成命。並函懇何使俯順輿情。堅持初衷。寔行拒申。應請先生專心供職。勿為所惑。以安人心。而維警政。是所盼禱。一署名同前。叩寄。

徐國樞出殯路由

徐自立堂治喪事務所。茲已將徐國樞出殯日期。訂定准於舊曆十一月初三日。其路由擬就如下。出轅朝東。走中華路。朝西由肇濱路。朝南過西倉路。朝西走蓬萊路。過上海縣公署。朝北由中華路。人民國路。往西走廩鹿路。經過法租界。朝北

走斂體 陸路 往東過大世界 走愛多亞路 至山茅閣橋往北 過河南路 至老
巡捕房 往西過福州路 朝西至西藏路 朝北穿過新垃圾橋 走北西藏路 往東
過海甯路 朝北走北浙江路 直達滬甯火車站 靈樞准以火車備運 自將路由擬
定後 預備函送各界 以備預設路祭地點 至徐之傢具什物 業已一律打成篋包
計有三百餘件 議定裝新銘輪船運津 因恐海關稽查阻滯 照章備函致請江海關
姚監督請為核給護照 並請轉致新關稅務司 屆時免予查驗 以利進行

徐國樑死後評論

徐國樑之飲彈而死。以常情論莫不惜其死於非命。自記者觀之。則人無死況當茲亂世
其以天災死。或兵燹死。甚或無罪良民。遭黑幕中之種種蹂躪。死於淫威之下者。不知凡
幾。斷脰裂頸。雖極慘酷。莫有傳者。即以徐氏位望而論。使其悠悠富貴。得考終。亦不過博政
界同僚與地方紳士之照例弔唁。而其姓名且不旋踵而泯滅。今則噩耗所傳。報章騰載。通
國皆知。較之死而無聞者。不且遠勝之乎。
是故徐氏之死。可勿深論。惟目前負維持警政之責者。當此新舊遞嬗之過渡時期。宜如何
注意治安。益加防範。此則地方人民所深為屬望者也。